

長沙府嶽麓誌

長沙府嶽麓志卷之四

大中丞丁泰巖先生鑒定

郡丞山陰趙益纂修

藝文

世之有文章猶星漢經天川岳緯地不朽之盛事也岳麓名勝先儒旣多芳躅二氏亦有靈蹤昔賢之經其地者莫不有珠璣金石之遺焉况乎岣嶁一碑且爲漢唐人所不及見垂至今日豈非星漢川岳所共不朽者乎茲本舊志更加

博採自唐宋以迄

昭代諸所作者聞見所及悉爲編次各以類分而禹碑則特冠於首昭聖謨也昔司馬遷作史記直欲藏之名山而二酉亦爲周穆王藏書之所雕龍繡虎固當與嶽秀湘靈并永也作藝文志

嶽麓坐后碑禹碑

禹貢之卷九
荆揚湖湘之分
衡嶺樂城之屬
南州新蜀之會
通濟瀆瀟之陽
通濟瀆瀟之陽
通濟瀆瀟之陽



譯註辨跋

禹碑譯文

明新都楊慎識

承帝曰咨翼輔佐卿洲渚與登鳥獸之門參身洪流而明發爾興久旅忘家宿獄麓庭智營形折心罔弗辰往求平定華獄泰衡宗疏事哀勞餘仲禪篋塞昏徙南瀆彷亨衣制食備萬國其益贏舞永奔

又譯文

明靖陽沈鑑識

承帝曰咨翼輔佐卿水處與登鳥獸之門參身魚

池而明發爾與以此忘家宿獄麌庭智營形折心
罔弗辰往求平定華獄泰衡宗疏事哀勞餘仲禋
羸塞昏徙南皋禹言衣制食備萬國其蓋風舞蒸
奔

釋義 沈註

禹夏之神人名文命顓頊之後鯀之子舜之臣
也禹承舜帝命已曰嗟者畜可憇歎之事下文
水患是也舜言禹乃我馮翼輔佐之卿所當與
同憂者今水懷山襄陵九州一壑是所處者皆

在水中與所登者皆鳥獸所登之門何異參身
於魚池之中卽劉子言微禹吾其魚之意此皆
爲可嗟之事也因戒禹當明發不寐早夜興起
以除此害以上述舜命禹之詞於是禹承此命
乃急於救民故三過其門不入八年於外不歸
以此忘家而來宿於嶽麓之庭也是以勞心焦
思則智營矣手胼足胝則形折矣辰時也是也
言此心無時不在於是必欲往求天下之平定
而後已所以華嶽泰衡之名山無處不到也宗

主也疏導也事治水之事也裒聚也言所主疏導之事雖則聚於一身狀山川之神柴望之禮不可不舉故於勞苦之餘亦當少伸禋祀之誠也羸水之充斥處也塞水之壅遏處也昏下民皆墊者也今此三者之害旣徙是險阻旣遠則水患除矣於是南荒之地始可以暴其昌言以淑諸民性卽詩陳常于時夏之意使之衣有所制食有所備不致有祁寒、阻饑焉而萬國以之咸安矣末言鼠乃昆蟲之細其性穴處而惡燭

今水患旣除則得以安於穴處鼠亦知樂舞而各有所奔投無復昔日溺沒之患矣卽鳥獸咸若百獸率舞之意必言鼠者據時所見而言蓋鼠雖至微亦有所處而樂則太者可知矣亦禹貢言陽鳥攸居之意也初鑑得此刻也夜焚香而祝曰神禹聖人也如其有靈也俾某識之兆諸夢焉是夜夢有一長人挈一古餅授鑑其色黃其高尺許上方下圓腹外有金環者四其口旁橫書三字曰某官造下有篆文悉如龍蛇

草木之形寤而忘首二字及旦起誦碑文恍若
素識不勞深索因竊爲註釋以志之非敢自欺
以欺人也

釋文

明 南昌楊時裔識

承帝令襲翼爲拔彌一句四字讀欽塗陸登島濶端鄉

邑三句三字讀

仔龐流船暗歇遲眠卽夙迄冬次嶽麓

展音

田

裂嶽析鼎音教

罔

墮纏往求出寂華恒泰衡

嵩睡事哀獻抒挺禋爵濟塾徙南皋帽員節別界

聯魑魅魍魎舞蒸焱

十五句四字讀

釋義 楊註

大禹言承帝舜令襲父鯀治水之任汝翼汝爲汝援汝弼于時欽哉首于起塗行陸以冀州帝都當先者登海中山島渤海沿鹵渴荒度其治之事其序發始於一鄉旣而各邑卽書勦土隨山刊木奠高山大川者以一日言日初子刻資次順流之船卽書乘四載者日落昏刻乃暮夜過期乃眠以一歲言作速於早歲竟業於歲終卽書要於塗山辛壬癸甲啟呱呱而泣予弗予

者以四訪言次南嶽山麓而止住得其山水南北條境導之則見大白澤傾壤高平岡崩折卽書湯湯洪水方割蕩蕩懷山襄陵浩浩滔天水逆行泛濫於中國蛇龍居之民無所定者民被患者羣聲大叫卽書下民昏墊下民其咨者下者卽地阜爲巢上者卽山巔爲營苟有通明處棲寓焉將以爲民除此患胼手胝足而往爲圖謀去乎竊總自西嶽華山北嶽恒山東嶽泰山南嶽衡山中嶽嵩山周遭盡處無一不到平治

事始用集成卽孟子掘地注之海驅蛇龍放之
菹水由地中行險阻既遠鳥獸害人者消肰後
人得平土而居中國可得而食者於是爲鼎鬲
以民間耕種所得谷粟去皮取實恭捧祭告報
成於上帝卽書暨益奏庶鮮食稷奏庶艱食鮮
食懋遷有無化居烝民乃粒者從茲名山大川
凡洪漲處爲水石所壅遏鬱未舒者皆疏導之
巖崖所墜下墊未平者皆徙去之卽書萬邦作
乂者此後凡南方日光明盛之地風聲文命政

令皆暨以車輶轉運財賦達於帝都卽書六府
孔修庶土交正慎財賦咸則三壤咸賦中邦五
百里甸侯綏要荒五服所謂因地制宜明經理
以通貢道者也又節制割辨分爲經界合而疆
聯卽書彌成五服至於五千州十有二師处薄
四海咸建五長所謂辨方正位定疆域以奠民
居者也尙以衡山外素楠鬼方火金惟爲魑草
木怪爲魍土石怪爲夔山澤怪爲魈凡能爲氣
祲爲災害爲妖司者皆驅逐之其形逃晦一參

一差相比而遠去潛消之其火蛇蜥倏發倏熄
消滅而至盡無復爲民物患則荒榛幽暗之地
盡闢卽書山川鬼神亦莫不靈鳥獸魚鼈咸若
地平天成者是也當八年於外三過其門而不
入今將玄圭告成之時書此碑以紀成功以鎮
鬼怪卽書南暨吳越春秋所謂安山治水之紀
是也又古聖人爲文皆韻碑七十七字凡二段
首段五句前二句句四字後三句句三字以襲
彌陸渴占巴爲韻五仄聲次段自仔麓至末十五句

苟四季以船眠展纏衡禋員聯彝爲韻九平聲
所謂律律卽韻韻卽歌歌卽書九功惟敘九敘
惟歌勸之以九歌俾勿壞者是也大旨卽書徵
戒毋虐毋若丹朱傲予思日孜孜六府三事先
治諸章同意乃書存此獨未錄今讀之則尊君
命蓋父愆敬天享神安民阜物錫貢奠居除怪
開荒中外咸歸一統而兢業儆戒憂勤惕厲之
心保治圖安之政無一念一刻不在於民乃若
文詞精卓聲調和諧敘事豐贍卽書懋德嘉績

昌言汝惟不矜不伐天下莫與爭功爭能者可
槩見焉萬古思禹功者覩河洛又觀此碑乃知
古帝王御世平治艱難後世願治之君志學之
士時爲誦讀爲箴規不得以山水遊玩文詞字
畫參視之焉卽所裨於治學者巨也

禹碑辨

吳道行

攷吳越春秋載禹登衡山夢蒼水使者授金簡玉字之書得治水之要刻石山之高處禹碑所從來矣歷千百年無傳者道士偶見之韓文公劉禹錫索之不得致形之詩詞宋嘉定初何子一遊南嶽遇樵者導引至碑所始摹其本過長沙轉刻之嶽麓山頂隱秘又四百年至於國朝嘉靖初潘太守搜得之剔土榻傳朝野始獲睹虞夏之書故湛甘泉一見亟稱篆法奇古雖深於古篆者僅能辨一

二字不可識其中所云深信爲禹筆獨帝禹刻三

字則宋人所題耳顧東橋則謂禹精於水今篆體皆流水形其出禹筆無疑但衡石疎腐碑必剥落或亦宋人流傳搨本耳蒲陽林巽峰則謂字畫奇古非秦漢一體文字雖石鼓文原父鼎器銘且讓焉耿古文自漢知者已稀其義失傳未詳何謂季彭山亦謂別有隱義未可知惟是楊升菴沈靖陽各有譯義乃蔡季二公隨執譯義力辨其非禹筆余嘗納玩碑刻反覆古今詩詞序論益信爲禹筆

無疑竊惟譯詞之誤適以開反古者之疑局故辨之者合宜議譯詞之誤不應泥譯詞而疑非禹之碑試卽以後人所疑者辨之而猶覺所疑之非也據蔡公以衡獄志載禹碑二岣嶁雲密子一傳本後稱碧雲此非子一之言乃張光叔代敘耳其非一又以勒石見德禹所深戒古人祭告則有之登封鐫石則未季公亦以周穆王宣王始有石刻攷白虎通載禹與周成王封泰山禪會稽首社勒石蓋王者受命必封山增高也禪者增厚也刻石紀

號著已功績也又何以必禹之不勒石也其非
蔡又以碑勒自禹嶽麓名自宋徽夫嶽麓之名自
宋真宗時賜額載在綱鑑長篇及南軒諸記而以
爲徽宗則嶽麓舊志引衡嶽志所傳而未之深攷
也其非三且謂韓公索之不得歐趙朱深於博古
者皆未見而疑道士之見子一之傳爲誑湛甘泉
所云宇宙神物固當天寶地藏藏久則必復見安
知道士撫者非山靈異人而使之見者也况原碑
在深山窮谷荆莽沙土迷覆已久搜之人又安肯

一一窮心力而必欲得之耶其非四如以此四者
而疑非禹筆恐博識者不盡狀至謂岣嶁在衡麓
麓在潭碑勒岣嶁詞稱嶽麓爲謬戾此其說近是
總之亦楊沈二公譯義之誤當日止從潘八獲碑
嶽麓起見亦不自覺碑勒岣嶁詞稱嶽麓之爲非
也則其餘譯義之誤可類推已奈何不譯義之是
議而徒偏執以爲非禹碑則亦不情甚矣况季公
轉以此碑勒之會稽又何過於好奇若此善乎通
志有云是書爲蝌蚪其爲禹所遺無疑但其文義

缺之可也

卷之二

大禹碑跋

江有溶各
郡人

按張光叔遊宦紀聞述宋嘉定壬申何賢良子得禹碑於岣嶁峰何過長沙遂摹刻於嶽麓書院後巨石此禹碑至於長沙之始也狀前此碑在岣嶁時經千餘歲未有傳者至唐中年韓文公始識道士所見形之於詩此道士現身說法非人間羽流可知迄文公搜尋此碑千索萬索竟不得見族其詩曰事嚴跡闕蓋知其爲神物也自岣嶁有此碑僅一道士見之告之文公文公不得見留此一

詩爲千載後人眼目知此碑有必出見之日也由唐迄宋經數百年何子一摹刻之後碑仍隱秘歷朱元明又數百年至明嘉靖癸巳郡守潘公疊峰因樵子傳播披榛剔蘚榻傳世間而長沙鄉賢熊公元性夙號淹博於藝林中拈出張光叔遊宦紀聞一則狀後禹碑來歷確有攷據海內爭奉爲神物矣溶故曰道士也韓文公也何子一也張光叔也潘疊峰也熊元性也皆禹碑功臣也今觀刻禹碑石殘礪特甚何以經久不泐又碑在岣嶁何以

嚴闕不傳在嶽麓則傳善乎湛甘泉云宇宙內神
物天寶而地藏之藏久則必復見顧東橋云禹精
於水其篆體皆流水形昔之人所以讚揚闡發者
至矣若其譯義則有楊升菴沈靖陽楊時喬三家
未知孰當今皆尊信升菴譯文併禹碑歌以備攷
云

賦

獄麌賦

明吳道行

獄胎靈於赤煒兮爚南極以奠朱陵銓物彙而挺
駛兮望九面而踞湘濱亭洪秀以干霄兮丹崖玉
削簇嵐靄而廻合兮青嶂鱗層肱金牛兮啓玉屏
天馬花兮橘洲襟雲母燦兮瑛瑩圭峰插兮黃金
昭陵笏卓兮紫蓋焰雰重湖灝莽兮靳江洞泓昏
墊疏平成奏擁雲門開雪竇染絳霞委紫岫曇錫
飛兮曹溪九還抱兮勾漏土築清兮帷薜載張幌

兮廬籞粵惟朱代封肇文昌光耀六幽表正朱張
飭蓀壁兮椒舍和蘭橑兮莉房森柏幹兮松櫟洗
竹苞兮柟芳深湘蔚岳繹繹樞樞紛綸絡繹我明
惟皇高誥霞茂絕炤雲翔靜一流競名登于堂活
流新緣好山自蒼古懷罔覲來思徇律索遺邱紫
陽之蹟揚微湘百泉之芳吁嗟乎書闕簡脫昔王
所閔得見君子闕里所欣而乃闋翼翼堂振振倣
疇鼓而奮拔茲胡抑而纖渝詠幽州之歌謌山陰
之文一觴一咏獨有感於斯亭夫日光旦開月華

夕被生生至聖之容抑抑大賢之配清風發卷帙
之香碗石著聽瞻之畏莫隱惟昭莫尊而麗漢史
觀堂而動心唐元經魯而興喟其不足振素懷兮
俯仰嗣崛起乎絕廢耶首重搖兮赫曦衣載振兮
翠微漶石火兮洞虛疑仙辭兮襲肌望拽舟兮痕
異信禹績兮孔巍篆玄秘兮嵐碣鬼青赤兮莫窺
虹光逼豎黛影橫彌江流練白帆駛萍劙漁竿蛤
點歎乃歌岐氣鬱葱兮四遠色晦明兮陸離渺世
界之廣誕森萬象其歲蕤削傾崖以千尺展石茵

而托枝望衡遙集拜者不疑矚烟雲兮映發禡鐘
磬兮參差閣嶠寺巖兮互答臺阿宮飄兮競奇疑
泉憶鶴訪絕追題風清峽蘭放清溪石鑿鑿兮
白激谷勿勿兮青披幼竹洗雨花微古香若吹仙
子如歸射臺庾而武寂道鄉免而文弛振淪曷旣
擁勝情移或山而勢或水而招或石而競或林而
挑如逢佳士如挹故交牧詠猶兮嵐步簷古農隱
見兮雨交或睡如冬或妝如秋叶遙切或夏如滴或
春如笑叶思切若乃色色兮日遲聲聲兮風惠書帶

湧兮波香文 章燦兮生意石頌

古髮字

被兮煙鬟水

簾靜兮月姊華吉苗沙菜芝絡地老僧箕踞平泉
英佳人澹艷而春醉狂燕耕泥

音航

也

大平之列

從喜鶯坐柳鬯風流之鼓吹春之春也林酌亞水

穹翠濕衣煖催艷而如熾雲交峯而亂奇湍響崖

縣恍惚冰帷水帛松陰天笑俊俠果氣梅時春之

夏也葩韻枝峯驚桂魂之忽墮紅然蔓嶂疑霜葉

之初明雅標宜月罕徑屯雲茶蘖擷兮陰曉竹鞭

行而時成回雁遺聲乎遠浦窮猿厲響於殘更春

之秋也堤獵獵而飛梨舞霜亂絮水潛潛而懷橘
幻雪連沙危石斜紛童嶺峙支離之叟草庵古龍字

盤踞老山橫倩冶之華濤振兮鳥夜雨沸兮人退

裘知兮泉栗闋擁兮霧斜春之冬也月歸鐘曉幽

光凝崖露發花辰香心繞臺旣萬籟之猶寂亦眾

情之未開春朝之暮也炤回赤岸朝霞夕舸明湧

寒池游漁戲波發棲烟干邃谷動宿鳥之酣歌春

暮之朝也地偏自遠心罔弗辰舟旆委化磬折隨

宦重爲系日罌風引兮天際賓兮碧漢騁兮九達

瞬兮厥秘啟而待兮罔有傑弗靈兮倚蓋坦而渾兮扶輿礪而迥兮乃如之人兮參兩而準兮

獄麓書院賦

查昇

昇

衡嶽綿亘八百里蜿蜒扶輿磅礴鬱積稱於昌黎每讀其文輒爲神往丁卯四月旣望旅客星沙遙見隔江獄麓羣峯疊秀林木蒼翳浮枉飛甍若隱若見則朱張二夫子書院在焉夫湖南當兵燹之後蔀屋仳離哀鴻遍野自

大中丞丁公鎮撫其地勞來安集旣養且教不三年而百堵皆作熙攘駢躋袞衣章甫之歌洋洋楚甸而方伯黃公廉使柴公觀察趙公

寅亮協和誠求保赤多士聿興絃歌盈耳乃重
葛嶽麓書院集四方學者與三楚之秀士講習
其中而董率鼓舞程材給餼則 趙司馬 王
別駕二公之力居多維時

聖天子崇儒右文 允大中丞所請

御書學達性天四字

欽命中書二員齋捧而至懸之日百職拜瞻劍珮森
列蒸徒氓隸環觀者以千萬計煌煌乎振振乎

王制之巨麗而希觀之盛典也昇浙汎儒生得與觀

光乃作斯賦以歌事述情焉其詞曰

維熊繹之舊封奄南天而域軫控三巴與兩粵
通六詔於五嶺衡山七十有二峯洞庭三萬六
千頃若夫九疑五溪三湘二酉武陵百折雲夢
八九支分縷貫波委雲屬者咸囊括平四境焉
伊惟長沙軫旁小星潭州武安唐宋異名俯江
爲濠負山築城雖卑濕之興嗟寃險要之殊形
臨高臺而憑弔歎屈賈之猶生羌懷才而抱忠

廼讖言之繁興苟數奇而不遇曾今古之異情
升彼西闕元覽遙曠霞舉泉飛連崗谷書院
有四峙建南北嵩陽睢陽白鹿嶽麓在宋開寶
潭守所築考亭南軒好道信駢淵源濂洛危微
嗣續坐臯北而授經樂英才而教育踵韓愈之
居潮邁文翁之治蜀暨

昭代之鼎興齊水火於菽粟原隰殷賑而流膏閭
闔旣庶而方穀迨夫逆氣橫厲豕突鴟張小蠹

邪靖毒流江湘

皇奮神武啟我戎行采入險阻絕其餚糧矢一激而
酋殪築京觀于荆襄嗟黔赤之何辜堆白骨於
戰場起瘞痍而登袵席寄鎖鑰而翫金湯

帝眷南楚誰其治之僉曰

丁公左右具宜授以節鉞撫我蒸黎民後來蘇如
雲如霓蕪茲三載振弊扶衰矢精白於一心凜
暮夜於四知哀中澤之劬勞拯焚溺於阽危

沛自天之解澤每蠺租而賑饑曾歲月之幾何乃不
變而雍熙爾其佐化承流曰藩曰臬蕩堂相府

心冰晶鑑誰篤度支清獻風節大流小廉靖其
正面乃消守倅允釐庶績撫字用襄繭絲必黜
既鞠育而喚咻遂休養而生息比戶可封小子
有造從邁泮宮載色載笑繩昔賢之講壇寤流
風之未邈集師濟爲國楨澤華文於霧豹朝誦
讀而夕絃歌席奇珍而懷異寶詠棫樸於菁莪
咸執經而問道爰敷

明奏處達

九重特頒

宸翰舞鳳飛龍並日月而光昭闢造化於鴻濛染玉
琰而流香訝象管之凌空婉嶠崿之豐碑陋飛
白之未土裏藻繡兮雕楹映金鋪兮璇宮多士
浸仁而沐義羣黎昭景而飲醴調風雲於律呂
宴河海於鼓鐘光四表而邁陶唐撫八荒而躋
萬農誠

熙朝之鉅典藉隆古而未逢是日也暨縕昭應山
噴效靈九莖芝秀五色雲呈纖阿爛晃於綺疏
瑞靄斐亹而細緹爾乃縫掖薦紳黃童白叟聯

事奉陰廟肩哭服擯櫈門而肅穆羣呼嵩而拜
手祝

萬壽兮無疆安排擊金獻祉爰有勾越寒輶觀光恐
後賓行友而從師聽鶯聲而求友誰見賞於饗
餚願定交於忤目未得天柱之峯遙望祝融之
岫儼相豆於羹擣慶遭逢之非偶然歌盛治今年
年頌靈長兮永久歌曰

帝德同天莫與京兮盛烈重光泰階平兮海外服從
式廟壇兮越裳九譯貢寶琛兮維楚有才文教

典兮書院攸崇萃羣英兮

龍章天錫寶墨晶兮治隆化洽萬起廢兮髦士投綱
訓風行兮是則是倣鼓瑟琴兮瞻雲就日慶盍
簪兮清嵒萬穰一以貞兮

道林寺賦

國朝趙而忭

嶽麓山在長沙城西臨江渚乃衡山七十二峯之足山上下皆置書院舊爲朱張講學處江岸有道林古寺起於六朝盛於唐闢於宋時因紫陽名諸舍人講書其地寺卽中頤昔賢詩云此是前朝古書院而今卻作梵王家我來登眺不勝慨獨倚東風數落花至明正德間寺尋廢而莫可攷噫今日何日復思門開洞庭之野殿插赤沙之湖安可得耶余偶

披山徑忽見茅廬驚異交集爰記篇章賦曰

溯回雁之多奇下絕塵於靈巒晴紫霧以城頭粘
白波而江腹頂設岣嶁之碑面引簷簷之谷想殊
異於山林豈人間之可以結屋爰有道林盤紆峯
曲一派水流半房山滴香滿涼煙光浮慈燭玉泉
之南於斯稱淑爾乃禪風墜地慧日停虛材分四
院舊有湘西城南清陰嶽麓四院石落重湖珍珠之橋漚滅琉璃
之井荒蕪雁回峯而無塔鹿啣草以何腐廣殿三
千盡化火蓮之宅長廊五百空留水苔之峒想毀

祠以正教豈迦墨而歸儒則見雨潤松園霜摧竹
節苔沒梢雲庭飛米雪牛過法王之牕虎行羅漢
之穴走異獸於人形藏奇鬼於佛闕異哉此寺廢
在何年吾聞野老昔最暄妍當梵王之初托甚崔
嵬於竺乾紅霜濕鴛鴦之瓦丹星綴蠟螭之椽虛
堂齋樸方丈廻連寶階霜潔綺壁霞鮮念佛之青
鳥可聽駝經之白馬翩然且也帶橘洲環楓浦羅
八景瞰三川煙鐘互答曜鼓遙連開崖架大剗竹
流泉對靈花於芷岸收香粟於貢田多南朝之四

百八十勝地
一萬五千頃乃山花普陀僧來
蒼海闊持沁暑之珠能穿忍辱之鑑傑立孤嶺從
修飈靄沿上藏真誅茅駐彩起寶甃于封巖得殘
碑於半壘抗五願以三摩脊孤肩而于載悟麓草
之可依何湘竹之非自在噫嘻國遊蒼嵐城托紅
鱗降栢之梁煥爲柳榔翦桐之葉入彼桑薪且教
傳綺食類涉波旬室殊東觀之製豫塗西域之神
桑田爲變豈僅立津昔者客過韋蟾吟憶蒼梧之
野遊經韓愈詩傳青草之濱壁上風流分留杜老

樹間秋色繼響元人貌茲禪刹猶肇朱堤痛古今
之泡影幸題咏之璘珣於是占霜樾避火旻花浮
水葢草列山茵長齋繡佛開偈爲鄰信迹禪中另
有天地而好靜者絕無冬春不朕構夢懷新爭萬
里之道反僕僕乎百年之身

風雲亭賦

張栻

眷岳山之回隩有絃誦之一官鬱青林兮對起皆絕壁之窮窿獨樵牧之往來委榛莽其蒙茸試芟夷而欲視翕眾景之來宗擢連娟之修竹森偃蹇之喬松山靡靡以旁圍谷窈窕而潛通翩兩翼兮前張擁千麾兮後從帶游江之浮綠蠹遠岫空橫兮地靈之久闕昉經始乎令公况棟宇之宏開列闌楯之周重撫勝槩以獨出信茲山之有逢予揆名而諷義爰遠取於舞雩之風昔洙泗之諸子侍函

奏以從容因聖師之有問答跽陳其所衷獨點也
之操志與二三子兮不同方舍瑟而鏗然諒其樂
之素充味所陳之紆餘夫何有于事功蓋不忘而不
不助亦何始而何終於鳶飛而魚躍實天理之中
庸覺唐虞之遺烈儼洋洋乎日中爲夫子之所與
豈虛言之是崇嗟學子兮念此邈千載以希踪希
蹤兮奈何盍務勉乎敬恭審操舍兮期須凜戒懼
兮冥濛防物變之外誘遏氣習之內訌浸私意之
晚落自本心之昭融斯昔人之妙旨可實得於予

躬循點也之所造極顏氏之深工登斯亭而有感
期用力於無窮

詩 新典恭紀

四月十六日恭記

丁思孔

運會皇綱振乾坤文教開聲華繼百代道德統三
才祿及儒生喬恩從闕里推遐荒爭奮礪率土
慶昭回霧麓荆榛闢書堂制度恢彝輪新廟貌
盼纓起山隈

宸翰從天下經函壓乘來龍蛇飛澤國雲錦爛萃臺
帝業昭如日嵩呼響若雷山川增氣象碧落絕氛埃
杞梓千章植芝蘭九畹裁微臣慙朽質忝分育羣

林謹治從甄鑄草綻就翦裁繪天忘絕相望海益
徘徊洞星漢丹霄迥文章太乙培懷恩知因極遙上

萬年杯

四月十六日恭紀

趙廷標

阿閣鳳鳴天下曉光華旦旦卿雲繞萬邦風動樂
時雍峻德文思被四表祝融之位視三公嶽麓明
陪望秩同上有嶠峻蝌蚪之遺蹟下有瀟湘洙泗
之流風流風翳誰續中丞宏作育書院特重新
請經於天祥輯瑞曾采覲臣言周子諸儒并

推恩至是

親煩宸翰灑龍騫鳳翥貴丘園天文睿藻昭雲

漢甲乙圖書次第燦使星光纏翼軫分岳秀湘霧
更巍煥百寮陪位捧龍章飄渺如聞

御座香 日月璇題同不朽山川 鼎祚共靈長

四月十六日恭紀二十四韻 趙甯

帝德隆千古 皇風暢八荒顯承兼述作戡定邁成
康偃武干戈戢修文禮樂彰會圖朝萬國鑄鼎冠
三王體道尊宣聖崇儒 幸魯鄉垂裳臨俎豆

釋奠益蒸嘗下詔褒恩渥銘碑紀澤長先民悉推及
後裔盡官常在野無遺遜盈庭盛拜颺

聖情遊翰墨 膚藻高珪璋師表極推崇達天特闡
揚 都俞從牧請璀璨啓 龍光嶽麓雖陪位名

儒宣化方暨奎貞翼軫洙泗號瀟湘自古留遺蹟
于今煥講堂 璇題忽龍界山色亦輝煌 筆正

窺精一 文明識熾昌翥騫昭日月卷帙炳縹緲

是日和風霽遙天瑞彩翔傳呼擁節使奔走秩鸞
行百辟景 開運小臣儼肅將傾都驚 曠典多

士奮修藏魄乏雲璈奏唯賡天保章

皇圖鞞百祿寶麻永無疆

四月十六日恭紀

王駿仲子

古殿新成金碧妝天書遙映楚雲黃捧來
詔垂霄漢拜下龍章走驥驥疎雨偏敎旌節潤
景風初帶露荷香小臣荒服賡歌舞盥沐驂車肅
後行

其二

八使分行過岳陽和嶠車上載縹緲雲開五色聞

天語書到三湘映月光俎豆只金典禮重絃歌白衣服官長採風郢楚瘡痍甚學道猶知生聚忙

欽賜嶽麓書院

御書扁額恭紀二十韻

會稽祁曜徵湖山

聖代尊儒術名山闢講堂峯巒環嶽麓郡郭隔瀟湘建置規模遠流傳歲月長道心追孔孟學術溯朱張絃誦今還盛鐘鏞舊所藏星躔分翼軫桃李偏宮牆地毓乾坤秀時當運會昌輿圖增式廓威武掃櫬檜禮樂恢虞夏文明邁漢唐金繩焚景瑞

玉簡啟殊祥 丹詔臨南楚璇題出 尚方淵衷
窺 帝德 膽蕩掞奎章 想見仙毫動猶聞 御

墨香垂天凌鳳翥 煥彩壓龍翔 繹紗烟霞境昭回
雲日光 九重瞻肅穆 百辟奉趨蹕 使節來蒼水

頒經下 紫闈士風興 薄海宸翰冠前王 萬世
懸銀榜 千秋拱玳梁 草茅逢鉅典 稽首頌無疆

四月十六日恭紀

張維霖

宸章遙下麓峯頭 萬眾嵩呼湧碧流 道重朱張新
棟宇 書傳虞夏刻螭虬 金題日燦千秋麗 玉躋雲

籠五色浮好向此中探秘冊芸香開處擬龍樓

嶽麓書院二十韻

金德嘉

麗澤今層構名山舊講堂羹牆依孔孟俎豆肅朱
張衡嶧晴看近江聲夜聽長禹碑傳倒薤宋榭額
吹香開寶垣墉古淳熙丹蘞光人材興郡邑道脈
亘滄桑典物元明備科條吳李詳理原圖太極學
總貫程鄉聖代堯文煥賢嚮楚甸康賜書懸嶽
麓宸翰灑瀟湘使節青櫛浦官迎漾水航庸言
敷五教掌故溯三王濟濟章縫會彬彬俊乂行儒

型期鼎鼐雅質視珪璋氣直西京上星占北斗旁
燃藜忘漏永把卷覺心滅讀可兼丘索詞應勝景
唐櫂纓成朗詠汲井作流觴歲月芸窗靜乾坤蘭
園芳赫曠臺數初闕里遙相望

恭紀盛典

羅人琮

楚水洞庭山衡嶽縱橫八百均寥邈衡峯七十二
嶽崎嶇麓爲足不可學奇鍾秀毓歸山霧至今楚
人猶卓卓朱洞創院貯羣書集徒講誦惜三餘嵩
陽應天白鹿洞遂號四大雄方輿山僧列炬道鄉

至敬夫仲晦爲翦除指數名賢副勝地先代振興
艷覩記胡天戰伐苦不休宮庭頻遭狐狸戲

皇路清平兵氣消 聖主崇文入荒企中丞分陝

廣菁莪崇弘棟宇照煙螺師儒濟濟迺英傑風規
雅寬剝佩摩珍重 寅翰來闔闔五雲縹渺垂嵯
峨寶笈更函石渠帙大道常留中天日吾徒幸近
天子光校書何須問太乙文運永並國運隆由來
繼承所無逸

四月十六日

朱前詒

皇輿休哉泰運昌斗垣煥彩騰瑞光

聖王臨軒勤郅治誕敷文教訖遐荒德業久大侔文

武

宸翰揮灑驅鍾王在廷臣隣歌喜起在外節鉞綏邊

疆

天子屢念楚南重特簡仙芝撫沅湘一德一心固邦
宇十惠十漸陳岩廊振興學校播教化重新書院

紹朱張疏請

御書頌嶽麓勅頒全史名山藏詞臣賚捧馳驛路節

駐星沙羣相望是日晴霞爛如綺昭回雲漢文風
颺學達性天古今秘筆飛翰墨鸞鳳翔銀鈞鐵畫
垂隆棟玉粹珠圓炳畫梁濟濟冠裳仰璀璨峩峩
縫掖咸趨蹠霜眉乳口訶希靚擦觚執戟忻非常
共言宋元迄明季七百餘歲重不倡未聞龍椽書
院錫而今彬郁推我

皇構材何幸側逢盛追隨劍履聆鳴璫此日此時人
共樂一談一笑神俱揚越宿郡中趙司馬雲邀星
使聯鵠行採奇攬勝選游屐賞心騁目恣徜徉亭

勒程篴嚴視聽傳李字挾風霜蘭亭讌會猶可
擬道鄉氣節于今亾曲水及泉昭道體日新時習
規文場興劇肩輿陟深隩禮真拜篆登崇岡始識
蚪文七十七夏后書法萬古彰路極意謂盡其景
谷轉峯廻一徑當斜日半岩開梵宇歸雲擁樹迷
禪房泉水亂侵青草路鐘聲遙度碧蘿牆坐觀山
色千層翠遠挹荷花十里香仁威古殿聳北嶼拜
礙片石拱南方蕭疏綠竹搖風細蔚蔚蒼蒼蔭日
長踞嶺遐曠長天勢物象虛無涵渺渺高山流水

看不盡相攜重上君子堂與余問答各有所以撫今
懷南醉斜陽倦飛歸鳥促遊騎共擬乘輿勒紫韁
憾余荒牧卑濕地四載辛勞類楚狂茲山名勝不
一睹終朝漁獵簿書忙豈期今日與嘉謨追陪登
眺塞幽芳敬倩穎生譜其事用昭

聖世謨洋洋尙憶

至尊恩汪濊斯文丕顯邁陶唐

四月十六日恭紀

張廷幹

玉榜頒仙禁璿題寵昔賢簪纓百辟會象緯九天

懸文自開昌運人爭集講筵歡呼山谷裡莫不頌
堯年

禹碑詩

禹碑

唐韓愈

岣嶁山尖神禹碑字青石赤形模奇科斗拳身莊
倒披鸞飄鳳泊掣虎螭事嚴跡秘鬼莫窺道人獨
上偶見之我來咨嗟涕漣渢千搜萬索何處有森
森綠樹猿猱悲

禹碑

劉禹錫

常聞祝融峯上有神禹銘古石琅玕姿秘文螭虎形

禹碑歌 有引

明 楊 慎

禹碑在衡山絕頂韓文公詩云云詳詩語始終
公蓋至其地矣未見其碑也所謂青字赤石之
形模科斗鸞鳳之點畫述道士口語耳若見之
矣發揮稱贊豈在石鼓下哉迨宋朱張同遊南
嶽訪求復不獲其後晦翁著韓文考異遂謂衡
山實無此碑反以韓詩爲傳聞之誤云再攷六

一集古錄趙明誠金石錄鄭漁仲金石畧之三
家者古刻臚列獨不見所謂禹碑者則自晉好
古者流得見是刻者亦罕矣碧泉張季文得墨
本于楚持以貺予予乃撫卷而嘆曰嗟乎韓公
所謂事嚴跡闕鬼莫窺者信乎不肅何三千餘
年而完整無泐如此何啻之晦何今之顯晦者
何或翳之顯者何或蔽之天壽珍物世咸曰卞
者或未必卞神飫吾嗜不必以生世太晚爲恨
也已作禹碑歌以紀之雖孱下之詞不足以影

响韓蘇狀闢幽蒐奇繼絕表微固亦公之雅意乎

神禹碑在岣嶁尖祝融之峯凌朱炎龍晝傍分結
構古螺書區刻戈鋒銛萬八千丈不可上仙局靈
鑰幽以潛昌黎南遷曾一過紛披芙蓉攀水簾天
柱夜瞰星辰下雲堂朝見陽輝遲追等夏載赤石
峻封埋古刻蒼苔黏參科倒薤形已近鸞飄鳳泊
辭何纓墨本流傳世應罕青字名狀人空瞻永叔
明誠及來深集古金石窮該兼臚列箴銘暨欵識

橫陳斬幣和金鬻胡爲至寶反棄置揩擦磨蟻捐
烏蟾又聞朱張遊嶽麓霧雪天風飄佩旛搜奇索
秘跡欲徧春倡撞和詩無厭七日崎嶇信有覲一
字膏馥宦忘拈非關嶠嶢阻登陟定是藤葛籠窺
覩好古子生嗟太晚拜嘉君貺情深欷老眼增明
若發覆尺喙禁斷如交箚七十七字掣螭虎三千
餘歲叢蛇虯憶昔乾坤漏息壤蕩析蒸庶依苓摻
帝嗟懷襄文命卿佐泽洞分憂惔洲并渚混沒
營窟鳥迹獸迹交門擔竭來南雲又北夢直罄西

被仍東漸黃熊三足變鯀服白狐九尾歌龐禙後
乘包湖受玉籙前列溫洛呈疇占永奔竄舞那辭
既平成天地尤垂謙華嶽泰衡祇平定鬱塞昏徙
逃禹喻文章絢爛懸日月風雲呵護環屏黔君不
見周原石鼓半已泐秦堦詛楚今皆殲此碑雖存
豈易得障有嵐靄峯峩巖跔音夐絕柱藜藿吊影
颺瑟森櫟柯湘娥遺珮冷班竹山鬼結旗零翠簌
造物精英忌發洩祗恐羽化難留淹欲摹墨本鏽
崖壁要使好事傳緗縑著書重訂琳瑯譜襄帖新

耀瓊瑤鑑麝煤輕翰蟬磼榻煩君再寄函飛鶴

讀神禹碑歌

劉汝南

吾聞岣嶁之山圖牒古神禹按之平水土元癸一
夜發簡書海若天吳莫敢覩金符玉冊奏成功天
地成平四海同未向會稽藏簡字先勒名嶽播神
工衡山古鐫今明滅吊古雄才空填咽千秋萬載
不復聞七十餘字誰稱說近年圭寶出人間此碑
乃落嶽麓山神物守護在蒼莽霜凌雨溜赤石班
樵人亟見不相識太守聞之長太息披榛剔蘚歎

太奇豈是蒼冥移鬼力鬼力誰能移神理空自知
鸞軒鳳舉翩然下虎攢龍騰爭爲馳我曾持之不
能讀空堂一幅開岳瀆卽今倚石摹赤文海水欲
翻泰山覆山阿含睇已無人洞庭蕭蕭落黃木

禹碑

崔應科

麓巔弇石壁蒼異映星雲象畫知何自螭文迥不
羣由來天地秘未許鼎彝分已溺銘神遠瞻岱思

正殷

登禹碑亭憇望

石公允

爲覓神碑夏后銘丹梯陡絕屢廻經危峯拔地雄

南楚遠水蟠天濛北溟繖爾城寰猶列俎飄狀身

世此孤亭九州何處罡風吐環珮空疑拱萬靈

禹蹟亭讚明吉宣王時奉命祭掃祖塋登山

勒讚

大哉神禹中天而興洪水方割懷山襄陵受帝明
命夙夜匪憊九載疏鑿四海底平遺跡麓巔萬代
峥嶸奚啻親覲華翰綸音稽首闋誦仰止儀刑

讀禹碑

朱士景

嵒風挺護此神碑曠代依稀一見奇金簡不傳人
已朽赤文空著石猶危迴廻磨蟻蒸湘雨班剝苔
亂嶽麓詩選勝頻來追往事隔江漁火動歸騎

禹碑

車以遵

嶽麓岣嶁孰假真數行深見水精神辛壬癸甲無
多日泥標舟車載一身蒼水元彝曾授簡宣房漢
帝但沉薪黃虞遠矣思明德北海碑前說主臣

讀禹碑

吳懼

神碑搜嶽頂竹杖引嵒風入耳疑天語驚眸託鬼

工風光搖碧落江色澹沉空不盡低回處安瀾萬
世功

讀禹碑

吳 愉

絕磴穿空出摩娑禹蹟真雲流詳體致波折認形
神註腳翻滋臆原頭直可詢山靈闢顯秘竟古自
如新

讀禹碑

陳 翌

躡磴披嵐意渺然遙疑身在碧雲天孤帆的的平
沙鴈遠樹離離隔暮烟蝌蚪何年開勝蹟河山猶

自壯遺編懸知此會情無極多恐閒心愧昔賢

望岣嶁碑

朱君壽

金泥玉檢授馮羲蝌蚪文章古篆奇欲叩水經探

禹蹟岣嶁石窟認殘碑

讀禹碑

胡爾愷

崔嵬欲近天門影古色臨空照翠巒飛磴星躔開
百丈危湍壁落掛千盤蒼虬霧濛霏青玉鬼谷風
寒鶯赤鸞獨上振衣悲斷碣涼生海色路漫漫

過嵩麓登禹碑亭絕頂同揚仲宣郭幼魄吳

去慵馮根公周聖生

簡徐芳

拂衣穿翠磴盤礴出雲霄不毀千春石更呼幾代樵字摩蒼蘚駁亭望古城搖漁渡烟波上先晴未覺遙

國朝

摹刻禹碑于大別山城

毛會建

天地有大文嶽瀆走萬里天地有至文蝌蚪分十指人知造化功不知疏鑒理亦聞鬼神泣不聞呵護此大矣神禹碑一篇治水紀參身鳥獸門欽哉

承帝旨遑遑嶽麓庭欝塞昏咸徙嶽瀆得其位萬國多受祉回首羽山陰功臣而孝子其字七十七一字將一咫形模大奇特結譏無定止拳蚪與倒薤落落差堪擬顧公具卓識云乃法流水譯文有三家用修說近是碑在岣嵝峯崔嵬白雪裏高萬八千丈凡蹤不可跂藤葛久封埋蒼碧滋渺羨韓張號耽奇披尋亦徒爾不意何賢良樵豎相引使攀巖還越澗一見生狂喜市歷慎臨摹體畫皆逼似他日重追尋迷不復見矣爰刻嶽麓山舊觀抑

何侈駿駿千百年駁泐成亥豕雲霧覆其頂虎豹
踞其趾竭誠事祭告乃得一錯趾神物相護持赫
赫良有以予登衡嶽嶺努力還至彼懸梯作鉤墳
意象宛在紙凜凜不敢留歸舟快無比寢食與周
旋晨昏爲尊禮荏苒兩春秋私心不自揣還刻大
別山髡鬚稱具體有譯復有跋其幅差小耳憶昔
導水時大別禹所抵山高而水長精英常亹亹況
當名勝地遊觀徧遐邇四千年來物從此其人鬼
江漢繞烟波瀟湘結蘭芷礮礮一片石亦與水終

前題

顧龍裳

皇哉天地始作經操筆不知誰氏史蟲鳥跡傳金
玉書禹功昭錫無疆祉大文闡歲凡幾于原本應
先謨典祀咄咄毛子特好奇生而嗜古真如飴瓢
笠周身托人外山川精爽開心脾知者謂司神化
府不知者曰雲水癡祝融峯高炎帝顙絕地九千
三百丈潛夔秘恠陰霧封俗物徘徊不敢上毛子
煉骨如霜烟手攀藤蘿足躡泉出沒青冥逐魑魅

翻身直到神君前夜半起看紅日煜海霞摩盪廻
賜谷更招紫蓋訪元彝岣嶁峯頭拓胸目晶光能
抉罔象幽衡陽之雲一瞬收十九年垂七十字精
嚴威寶良難讐毛子拂拭再審視意象經營鬼物
愁不覺躇躅遂滿志作者元氣來相求膽過于身
神在腕重若周鼎輕吳鈞如鷺斯擊鳳斯舉如虎
斯嘯龍斯遊法力奇巧更奇變是豈人功之所侔
大別山頭一片石蝌蚪森森映波赤北地英靈至
自南神鰲守護終無射

前題

嘗 默

天荒劈破古負邈浩刦空旋失稚老兩間草昧開
文明橫流匝地如烟掃尼父刪書自唐虞二典龍
縱發奇峻荒度八載歸禹功四瀆五嶽青矯矯傳
閩南徐炎帝鄉岣嶁山雲鑄潔皎洸養七十餘字
模李斯細兒不克討祇識其八頗遷蹠龍護龜伏
霸光眚千年萬年苔花班剝落蒿藤費訂考倉頓
已死羲皇崩史籀石鼓空表表科蚪寒鱗蝕陰霞
一片虛白穿蕪縞不知石紐渺何從霧突日寫嘗

堅好祝融峯高火龍犇粘天墨色衡柳練元參使者捧精晶金蠹玉函壽而保已見九鼎禦魑魅更此辟兵殊傾倒忽狀毛公要領奇輕砂大石鏗梨棗異書探盡懷抱高手筆規恢製神巧象誕鐘王心血枯對之野燒焚瑤草嶽麓移于大別巔糺蟠首岑御洲島怪雨酸風掣蛟螭菁華不竭天地寶寄言黃鶴與白雲蓋宮石室須臾小

毛子霞臨禹碑縮篆刻石大別山和譜公詩

陶汝鼐

河圖用七居南午龜負靈文作書祖廟嶽峯頭治
水碑坎離爻孕文中古凡十七字衍舊前萬入于
丈朱陵天嶽靈闕秘徙於麓飛來壁赤封蛟涎毛
公治詩兼治書縱觀禹蹟搜蟲魚披榛大叫手摹
畫蝌斗競落神有餘載過湖心照江水蝘蜓視龍
波不起靜中鈎勒如印泥鬼斧巉巖透生紙携來
大別琢青琅蛟螭小縮姿橫陳有如九明夏初鑄
萬象攝入爐冶新此事非關巨靈作子霞嗜古思
河維龜峯還似負書時七七衍圖元白錯勒迴南

紀莫滔滔千載江臯振衡霍

毛子霞摹刻禹碑于大別山

夏嘉瑞

何年神物顯晦非偶明德玄圭此外無有天作毛
公四千年後如燈能傳如允能守蛇虎荆榛其來
已久鈞勒猛悍靈威憑肘昔嶽麓庭今大別首河
山重輝斗星無蔀電走雷奔百億萬壽

前題

郭金臺

衡嶽古峯七十二高文獨重神禹碑天下奇士誇
麗筆就中見者心欽持或云碑在岣嶁穴拳科倒

旌工摹碣云何紀宿嶽麓庭四字不磨山不滅我
昔讀書山半寺窮窓一窓雲嫵媚清秋時見立鹿
遊胎息碑庭護奇字神物之傳繫兩公前歸楊公
今毛公楊公辨識有具眼一洗俗學開朦朧卓哉
毛公更才傑手勒其文置大別鑄篆大篆列小碑
班駁龍螭擅其絕由來古蹟非定本禊帖黃庭亦
增損能事爭傳無古今匠意經營自深穩騷人并
是瀟湘客覽徧三湘還七澤南國滔滔江漢流萬

古長沙一片石

禹碑

沈一揆

平成績奏幾千年石壁遺文尙宛然豈是後人偏
好事應知古聖示心傳龍蛇影動雲烟亂珠露光
凝日月懶愧我讀書無萬卷空來擬議未能詮

禹碑亭

黃性震

翳首發河洛天地衍大文回溯一畫初混沌從此
分昏墊苦未除方割憂正殷高山大川間荒度八
載勤元圭迄告成績勒南衡若科斗七十七亭虛
翕氣氤自足疏鑿理篆法流水紋斜蟠掣蛟螭剥

落老烟雲靈奇斯可怪劈闢電雷礮磅礴畱詮譯
堅義如所云胡然紫霄峯六字僅有聞

拜禹王碑

朱前詒

我聞大禹治水坤道溢岣嶁山上勒石鏘蝌蚪篆
文人莫識唐時道者昭其靈昌黎韓子推天寶托
之翰墨彰肇造閭世至宋二百年此碑隱秘江山
好盈宗嘉定歲壬申賢良何致才絕倫探奇尋訪
入衡嶽摹出靈文驚鬼神携來嶽麓刊諸石見者
聞者皆咋舌楊慎沈鎧譯其文夏后如椽七十七

從此碑篆四海推揚來敬奉鎮炎裁余亦何幸牧
星渚今朝瞻仰躡崔嵬仄路嶮山行易倦轉羨高
飛鳥空回觸目頽亭有石壁齊心頂禮神禹筆讀
之凜凜帆粟生更聽山人話雷擊淘平石上有裂
紋始識靈奇赫顯蹟噫嘻再拜別禹碑舉衣徒步
循迤逶清風拂拂飄輕絳白雲冉冉度層坤歸歟
未盡登臨思坐看蒼巒月上時

岣嶁碑磴歌

李先登

攀岣嶁起長龍載陽春日是耶非碑前芳草爲誰

稀美人 美人益式微

岣嶁碑上莽苔戟岣嶁碑下杜蘅碧美人美人何
日歸水遠山長猶是謠

禹碑歌

趙益

吁嗟嶽麓兮何獨七十二峯之一乎一麓可以當
全嶽吞吐日月凌虛無下有湘流映空碧上有蒼
碑古篆神禹謨蟲書蝌蚪成點畫字青石赤爲形
模手摹心維不能讀事嚴跡闕誠非誣憶昔堯咨
舜倣平水土辛壬癸甲勞江湖元發使者授簡策

海若不眠走天吳至今七十餘字垂萬載雲封苔
蝕懸崖孤我家宛委之山下玉函石室藏金符宦
遊此地覩奇蹟使我側身南望懷仙都龍騰鳳舉
競馳驟人間何用等方壺茲碑不啻希世寶精光
倒射滄溟枯平成功奏闢天地靈幹黃熊九尾狐
鬼神呵護石無泐直同河洛陳疇圖徘徊長嘯向
天際但見洞庭秋靄飛蒼梧

長沙嶽麓山有石碑七十餘字傳是大禹治水過衡時所刻之石作禹碑詩

劉左光

流睇羽山陽水功禹所恥黃熊不戀山鯀罪死於
水天傷孝子志金簡投蒼使洞庭來船櫓奇文秘
岳嶧標莽數千年蒼碧紛內美羽隱合樵栖其才
多高士不然此神物遭遇何秘詭韓張仕宦人窮
幽未必爾七十餘字中虎螭亦虛擬徘徊嘉定年
鸞飄市麻紙風雨天晦明封剥四百紀於燦昔肅
皇龍御郢中起茲書亦乘運顯晦有妙理青字傳
鳥爪寡昧說篆旨卓識顧尚書辨歸流水是割議

洗秦灰眼光出亥豕焦思十三年皇哉夏后氏區
區文字間亦與水終始

讀禹碑

羅才徵

麓峯高處探神碑絕壁摩娑古篆奇驂馭碧霞停
赤帝策陳蒼水授元彝千秋歛蚪侵風雨一片琅
玕列虎螭却憶平成當日事坐看雲海漫支願

讀禹碑

余瑜

拂拭殘雲讀禹碑平成還憶錫圭時三湘永奠湖
南水入載弘開大夏墓字挾風霜鳴虎豹文成珠

平走蛟螭於今不共乾坤老百姓重來共賦詩

禹碑歌

金德嘉

祝融莽蒼天溟濛神禹碑在岣嶁峯萬八千丈青
芙蓉七十七字藤蘿封螺書匾刻崔融踏拳蝌倒
薤森戈鋒韓劉蒐討殊難逢何物蜀士傳臨功考
亭南軒躋山衝千尋萬索心忪忪嗚呼此碑嶽麓
重矗如徂徂嗣岱宗何君勒石依蒼松其下殷殷
蟠蛟龍誰昔疏鑿洲渚壅叅身鳥跡無春冬南瀆
衍亨初畔農萬世永賴隨刊庸我行望嶽期扶節

墨本摸拟開心胸洞庭雨過濤濬溶溶風靄煙煤縵

細濃潛屬祕笈神靈鍾凌晨好放湘江柳

讀禹碑

趙志夔

岣嶁盤根險神工幻跡遙登臨千嶂近想象百川
朝夜月亭俱迴秋風雲自消何當攀磴道天路駕

扶搖

岣嶁碑

盧震

五華

片石千秋頌禹功嵯峨望處盡烟籠乾坤德治依
瞻遍文字風遙想像中繞繞白雲封有據班班青

蘇覆能工湖湘筆者亦茲何幸已溺猶傳在巒碧